



## **RUDNICI MRKOG UGLJA „BANOVIĆI“ d.d. BANOVIĆI**

**Ulica Armije BiH 52, 75290 Banovići; Bosna i Hercegovina;**  
Telefoni-Centrala: 00387 35 870-600; 875-010; Fax: 00387 35 875-166  
Rješenje Kantonalnog suda Tuzla br: U/I-0891/98. ID PDV broj: 209329530001  
Identifikacijski broj: 4209329530001 Porezni broj: 03421100

[www.rmub.ba](http://www.rmub.ba)



Broj: 11282-1/26

Banovići, 18.07.2026. godine

### **SKRAĆENI PROSPEKT EMISIJE DIONICA**

1. Trajanje ponude: od 05.08.2026. godine do 18.09.2026. godine.
2. Naziv Emitenta: Rudnici mrkog uglja „BANOVIĆI“ Dioničko društvo Banovići  
Skraćeni naziv Emitenta: RMU „BANOVIĆI“ d.d. Banovići  
Sjedište Emitenta: Ulica Armije Bosne i Hercegovine br. 52, 75290 Banovići  
Tel: 035 870 590
3. Naziv banke depozitara: ASA Banka d.d. Sarajevo  
Skraćeni naziv banke depozitara: ASA Banka d.d. Sarajevo  
Sjedište banke depozitara: Trg međunarodnog prijateljstva broj 25, 71 000 Sarajevo  
Tel: 033 586 834
4. Naziv Registra: Registar vrijednosnih papira u Federaciji Bosne i Hercegovine  
Adresa: Maršala Tita 62/II, 71000 Sarajevo  
Tel: 033 279 150
5. Oznaka Emitenta u registru emitenata kod Komisije za vrijednosne papire Federacije Bosne i Hercegovine:  
Registarski broj emitenta: 01-677-1638  
Datum upisa: 03.06.2004. godine
6. Dionice iz ove emisije poznati kupac Federacija Bosne i Hercegovine odnosno Vlada FBiH će upisati i uplatiti kod banke depozitara ASA Banka d.d. Sarajevo, na adresi Trg međunarodnog prijateljstva broj 25, 71 000 Sarajevo.  
Uplata se vrši u novcu na način definisan Ugovorom između banke depozitara i Emitenta.  
Upis i uplatu dionica poznati kupac će vršiti u vremenskom roku od 05.08.2026. godine do 18.09.2026. godine.  
Izdavanje ovom ponudom smatra se uspješnom ako je u vremenskom roku od 05.08.2026. godine do 18.09.2026. godine upisano i uplaćeno najmanje 90% od ukupnog broja dionica koje se izdaju.  
U slučaju neuspješne prodaje dionica ove emisije, povrat uplata će se izvršiti u roku od 10 dana.
7. Rizici  
7.1. Opći podaci o rizicima  
Emitent u posljednjim godinama, bilježi pozitivan trend poslovanja, bez obzira na nepovoljno socijalno i privredno okruženje, te nisku cijenu uglja prema strateškom kupcu JP „Elektroprivreda BiH“ koja je definisana Odlukom Vlade Federacije BiH od 2023. godine. Zahvaljujući izvozu i prodaji uglja širokoj potrošnji omogućen je rast prihoda od prodaje uglja na tržištu, sa konstantnim naporima za smanjenje rashoda.  
Prilikom ulaganja u vrijednosne papire ulagatelj, u skladu sa vlastitim preferencijama svjesno preuzima pojedine vrste rizika. Pri razmatranju ulaganja u dionice RMU „Banovići“ d.d. Banovići poznati kupac trebao bi uzeti u obzir faktore rizika izložene u nastavku, ali se ulagač upućuje i na vlastitu procjenu finansijskog položaja Društva.

## 7.2. Rizik sektora

Uzimajući u obzir da je osnovna djelatnost Emitenta vađenje i prerada mrkog uglja i činjenicu da ekonomska kriza prisutna u cijelom svijetu može da bitno utiče na smanjen obim poslovanja Emitenta.

## 7.3. Sistematski rizik

Politički, ekonomski i socijalni uslovi u zemlji, ali i regiji uključuju rizike povezane s mogućom političkom nestabilošću unutar države i regije što može dodatno otežati poslovanje Emitenta.

## 7.4. Regulatorni rizik

Bosna i Hercegovina kontinuirano usklađuje zakonodavna rješenja između entiteta i domaće zakonodavstvo se prilagođava zakonodavstvu Evropske unije. Do sada usvojeni zakoni u području tržišta vrijednosnih papira i poreskog sistema i dalje će se usklađivati sa evropskim standardima i doprinositi daljnjem jačanju Emitenta i jačanju sektora u kom se nalazi.

## 7.5. Tržišni rizici

Tržišni rizici se odnose na promjenjivost novčanih tokova koja je uzrokovana promjenama tržišnih uslova. Tržišni rizici uključuju rizik promjena kamatnih stopa, rizik likvidnosti i rizik promjena tržišnih cijena vrijednosnih papira.

## 7.6. Operativni rizik

RMU „Banovići“ d.d. Banovići razvija odgovarajuće politike i metode upravljanja operativnim rizicima u skladu sa sopstvenim standardima, radi usklađivanja aktivnosti i standarda poslovanja i izračuna potrebnog kapitala za pokriće rizika.

8. Dionice stečene u ovoj emisiji zatvorenim ponudom ne mogu se prodavati, zalagati ili na drugi način otuđivati u periodu od jedne godine od dana upisa u Registar, osim:

- Nasljeđivanjem i u drugim slučajevima predviđenim zakonom;
- Emitentu, kada je to dozvoljeno zakonom;
- Postojećim dioničarima;
- Ukoliko se vrijednosni papiri iste klase emituju putem javne ponude, nakon odobrenja te emisije od Komisije.

Registar može izvršiti prijenos dionica samo prema naprijed navedenim uslovima.

9. Izdavanje ovom ponudom smatra se uspješnom ako je u vremenskom roku od 05.08.2026. godine do 18.09.2026. godine upisano i uplaćeno najmanje 90% od ukupnog broja dionica koje se izdaju.

10. Ovom emisijom izdaje se 150.000 redovnih (običnih) dionica, nominalne vrijednosti od 100,00 KM po jednoj dionici, u ukupnom iznosu od 15.000.000,00 (petnaestmiliona) KM.

Učešće ove emisije u osnovnom kapitalu je: 21,6175 %.

Osnovni kapital Emitenta će, nakon ove emisije dionica, iznositi 84.388.000,00 KM, a ukupan broj dionica Emitenta će iznositi 843.880 redovnih (običnih) dionica.

11. Bilans stanja i bilans uspjeha nalaze se u prilogu ovog Prospekta.

12. Opis poslovanja:

RMU „Banovići“ d.d. Banovići je privredno društvo koje, radi sticanja dobiti, obavlja djelatnost: vađenje i prerada mrkog uglja, kao i druge djelatnosti utvrđene Statutom i upisane u sudski registar. Po vlasničkoj strukturi RMU „Banovići“ d.d. Banovići je otvoreno dioničko društvo, u kojem je 69,53% kapitala u vlasništvu Federacije Bosne i Hercegovine, odnosno Vlade Federacije BiH koja vrši ovlaštenja u RMU „Banovići“ d.d. Banovići po osnovu učešća državnog kapitala i koji je u Registru vrijednosnih papira u Federacije BiH evidentiran kao dioničar RMU „Banovići“ d.d. Banovići, pod nazivom Federacija Bosne i Hercegovine.

RMU „Banovići“ d.d. Banovići raspolaže sa tri proizvodna pogona (jama „Omazići“ i dva površinska kopa – PK „Turija“ i PK „Grivice“), u kojima bilansne rezerve uglja iznose 155.381.894,66 miliona tona mrkog uglja i vanbilansne rezerve 12.635.556,00 miliona tona mrkog uglja, čija prosječna kalorična vrijednost iznosi 15.996 kJ/kg.

Okvirni plan razvoja:

Stabilnost na ostvarivanju planskih zadataka proizvodnje uglja i otkrivke. To je posebno značajno s obzirom da je u Društvu u toku realizacija kapitalnih investicija i to isporuka 4 (četiri) Damper kamiona nosivosti preko 100 tona i 2 (dva) kamiona četveroosovinca nosivosti do 20 tona.

U narednom periodu planirana je nabavka 1 (jednog) Bagera zapremine kašike 16 metara kubnih i nabavka dizel hidraulične lokomotive, te izmještanje pumpne stanice i rezervoara za pitku vodu na novu lokaciju zbog formiranja novog odlagališta.

13. Dioničari koji posjeduju 5% ili više dionica s pravom glasa na Skupštini Emitenta su:

- Federacija Bosne i Hercegovine 69.5323%
- ZIF HERBOS FOND d.d. Tuzla 7.0721%

14. Članovi Nadzornog odbora i članovi Uprave nemaju u vlasništvu dionice RMU „Banovići“ d.d. Banovići, osim Rasima Dostovića Direktora Društva koji posjeduje 81 dionicu odnosno 0.0117% i Mirsada Bečića Izvršnog direktora za tehničke poslove koji posjeduje 104 dionice odnosno 0.0150%.

Članovi Uprave i Nadzornog odbora nisu imali nikakvih transakcija sa Emitentom u toku prošle godine, niti su u planu u narednom periodu.

15. Potpisnici ovog Prospekta daju slijedeću izjavu:

Investicije sa sobom nose odgovarajuće elemente rizika. Ne može se garantirati da će se vrijednost dionica Emitenta, nakon što ih kupci/investitori kupe, povećati ili da će ih kupac nakon kupovine moći prodavati po nominalnoj vrijednosti.


Gore navedene informacije predstavljaju tačno i sažeto činjenično stanje, koje je od značaja za odlučivanje u vezi sa ponuđenom investicijom, i nisu pogrešno prezentirane niti su bitnije informacije izostavljene.

Prihvatamo odgovornost za navedene informacije, kako u ime Emitenta tako i u naše osobno ime. Potencijalni investitor može tražiti dodatne podatke i informacije u vezi sa ovom emisijom, ukoliko smatra da su mu potrebne, a mi se obavezujemo da ćemo mu, prema našim mogućnostima, osigurati istinite i sveobuhvatne podatke i informacije.

16. Komisija za vrijednosne papire Federacije Bosne i Hercegovine odobrava emisiju na osnovu podnesenog Zahtjeva i Skraćenog prospekta i druge dokumentacije, ali ne daje mišljenje u vezi sa predloženim ulaganjem, niti je odgovorna za potpunost i tačnost podataka navedenih u Skraćenom prospektu. Ovaj Skraćeni prospekt sadrži propisan minimum podataka za emisiju dionica.


#### UPRAVA RMU „BANOVICI“ d.d. Banovići

1. Rasim Dostović, Direktor
2. Mirsad Bečić, Izvr. dir. za tehn. poslove
3. Nenad Todorović, Izvr. dir. za invest. i razvoj novih djela.
4. Enes Šabanović, Izvr. dir. za pravne i kadr. poslove
5. Adem Bošnjak, Izvršni direktor za ekonomske poslove



#### NADZORNI ODBOR RMU „BANOVICI“ d.d. Banovići

1. Enver Omazić, Predsjednik Nadzornog odbora
2. Husein Beširović, član Nadzornog odbora
3. Bruno Bojić, član Nadzornog odbora



#### Transakcijski računi:

|                     |                                           |
|---------------------|-------------------------------------------|
| 161 0250 007 190075 | Raiffeisen bank d.d. BiH, filijala Tuzla  |
| 132 1300 309 179345 | NLB Banka d.d. Tuzla, filijala Banovići   |
| 154 3602 003 310866 | Intesa Sanpaolo banka d.d. BiH            |
| 555 0530 049 467130 | Nova banka AD Banja Luka, ekspozit. Tuzla |
| 102 7090 000 001366 | Union bank dd Sarajevo                    |

|                     |                                 |
|---------------------|---------------------------------|
| 306 0450 000 163538 | Addiko Bank d.d. Mostar         |
| 140 4010 018 681113 | Sberbank BH d.d. Sarajevo       |
| 186 0001 048 962098 | Turkish Ziraat bank Bosnia d.d. |
| 338 4402 212 197081 | UniCredit banka d.d. Mostar     |
| 199 0500 055 252556 | Sparkasse bank dd Sarajevo      |